

OROIMEN HISTORIKOAREN KONTSEILU SEKTORIALAREN ARAUDIA

<https://ssl4.gipuzkoa.net/euskera/gao/2014/11/05/e1409947.htm>

TESTU BATERATUA

OHARRA: Dokumentuak informazio izaera du eta EZ du balio juridikorik

ARRAZOIEN AZALPENA.

I. TITULUA. XEDAPEN OROKORRAK.

1. artikulua. Araudiaren xedea.
2. artikulua. Kontseiluaren izaera.
3. artikulua. Kontseiluaren helburuak.
4. artikulua. Kontseiluaren funtzioak.

II. TITULUA. KONTSEILUAREN OSAKERA ETA AUKERAKETA.

I. KAPITULUA: OSAERA ETA KIDETZA.

5. artikulua. Oroimen Historikoaren Kontseiluaren osakera.
6. artikulua. Udalean dauden udal taldeetako ordezkariari dagokiona.
7. artikulua. Oroimen Historikoaren arloko herritarren elkarten ordezkariari dagokiena.
8. artikulua. Herritarren Partaidetzari Buruzko Arau Organikoaren 27. Artikuluan zehazten diren Pertsona Fisikoei dagokiena.
9. artikulua. Oroimen Historikoaren arloan gizarte-ospe berezia duten pertsona edo kolektiboari dagokiena, Kontseiluaren Bilkuran adostuak.
10. artikulua. Kontseiluko kide izaeraren galera.

II. KAPITULUA. OROIMEN HISTORIKOAREN KONTSEILUAREN ERATZEA.

11. artikulua. Oroimen Historikoaren Kontseiluaren eratzea.
12. artikulua. Eratze saioa.

III. TITULUA. ANTOLAKETA.

13. artikulua. Kontseiluko Organoak.

I. KAPITULUA. LEHENDAKARITZA ETA LEHENDAKARIORDETZA.

14. artikulua. Lehendakaritza.
15. artikulua. Lehendakariordetza.

II. KAPITULUA. KONTSEILUKO BILKURAREN ANTOLAKETA.

1. Sekzioa: Osakera eta ahalmenak.
16. artikulua. Bilkuraren osakera.
17. artikulua. Bilkuraren ahalmenak.
2. Sekzioa: Funtzionamendua.

- 18. artikulua. Bilkura motak.
- 19. artikulua. Bilkuraren gai-zerrenda eta deialdia.
- 20. artikulua. Bilkuren izaera publikoa.
- 3. Sekzioa: Bilkuren garapena.
- 21. artikulua. Quorum-ak.
- 22. artikulua. Gai zerrendan jasota ez dauden gaiak.
- 23. artikulua. Bozkatzeko prozedura.
- 24. artikulua. Aktak.
- 4. Sekzioa: Bilkurako kideen eskubide eta betebeharrak.
- 25. artikulua. Eskubide eta betebeharrak.

III. KAPITULUA. IDAZKARITZA.

- 26. artikulua. Idazkaritza.

IV. KAPITULUA. BATZORDE IRAUNKORRA.

- 27. artikulua. Batzorde Iraunkorreko osakera eta kidetza.
- 28. artikulua. Funtzioak.
- 29. artikulua. Funtzionamendua.

V. KAPITULUA. LAN TALDEAK.

- 30. artikulua. Lan-Taldeei dagokiena.

VI. KAPITULUA. EBALUAKETA.

- 31. artikulua. Ebaluaketa.

LEHEN XEDAPEN GEHIGARRIA.

BIGARREN XEDAPEN GEHIGARRIA.

AZKEN XEDAPENA.

Oroimen historikoaren kontseiluaren araudia

ARRAZOIEN AZALPENA

Herritarren Partaidetzari Buruzko Arau Organikoaren Arrazoiaren Azalpenean esaten den bezala, Udalak bere jardunbide egokirako erakundeek interes orokorraren alde erabakiak hartzeko eta etengabeko jarduteko gaitasuna eduki behar du, beti ere herritarren eskakizunak eta egoerak kontuan hartuta. Administrazioek beharrezkoa dute beren eskumeneko gaietan herritarrek duten iritzia jakitea, gizarte-eskakizunei erantzun bat ematen ahalegintzeko. Eta halaber, beren erabaki eta jardueren erantzukizuna hartu behar dute haien aurrean.

Toki-erakundeei buruzko legediak eta baita Donostiako Udalaren Arautegi Organikoak eta Hiritarren Partaidetzako Araudiak ere, udal politikaren arlo jakinetan aholkularitza, informazioa, eztabaida, azterketa eta proposamen parte-hartze organo iraunkorrak izango diren Kontseilu Sektorialak sortzeko aukera aurreikusten dute.

Herritarren partaidetza pertsona eta kolektibitatea, politika publikoekin harremantzen duen egitasmo multzoa da, horrela erabakiak hartzeko prozesua eraginkorragoa eginez. Kontseiluak esparru zabal honetan elkarlanerako gune izan daitezke.

Herri-partaidetza inklusio, aniztasun, eraginkortasun eta gertutasun printzipioetan oinarritzen da eta baldintza hauetan garatu behar da herritarren partaidetza.

- Informazioaren kudeaketa demokratikoa sustatuaz.
- Elkarrizketa bermatuaz.
- Prozesuan lan eginez.
- Planifikazioz.
- Botere harreman horizontalak garatuaz.
- Gizarte-harremanak sustatuz.
- Sinesgarritasuna eta Eraginkortasuna lortuz.
- Banakakoari, bizilagunari, elkarte bateko kideari, «aditu» kategoria errekonozituz.

Printzipio eta baldintza guzti horiek laburtzeko kontzepturik egokiena lan kolektiboa izango litzateke, eta abiapuntua hau izanda, partaidetzaren eremu zabal honetan herritarren papera anitza izan daiteke: gobernuaren ekimenaren jarraipena edo kontrola egitetik, zuzeneko erabakiak hartzera, partaidetza prozesu sortzailetatik pasatuaz, non erabaki politikoei ahal den iritzi ekarpen anitzenak egitea bilatzen den.

Udal Kontseilu Sektorialak ezaugarri, helburu eta eginkizun zehatzak dituzten partaidetza organoak dira.

Partaidetzaren esparru zabal honetan Kontseiluak Gobernu Irekiaren planteamenduaren barne kokatu behar dira. Funtsezkoa hiriaren eguneroko eraikuntzan lan egiten duten eragileek (Udal Gobernuak, plenoa osatzen duten gainontzeko udal taldeetako ordezkariak, antolatutako herritarrak, beste erakundeak, eragile publiko eta pribatuak, eta teknikaria) lan konpartiturako esparru sektorialak partekatzea, beti ere arlo tematiko bakoitzak eskatzen duen moduan.

Kontseiluak udal instituzio eta herritar eragileen arteko elkarlana sustatzeko gune bezala planteatzen dira: elkar ezagutza eta aitortza errazteko guneak, elkarrekin udal informazioa zuzenean eskuratzeko lekua, udal erakundearen funtzionamendua ezagutzeko aukera bihurtu eta elkarrekin arteko harremanak garatzeko esparruak izan daitezela.

Beste neurrien artean, Herritar eragileak boteretzeko Kontseiluetako kudeaketa organoetan herritar eragileak egotea bermatzen da.

Kontseilu guztiak Udal Organo Aholkulariak dira, eta ondorioz hiriko partaidetzari buruzko ikuspegi orokorraren eta gaikako helburu eta tematika bakoitzari dagokion helburu eta funtzio espezifikoaren arteko lotura izan behar dute beti kontuan.

Oroimen Historikoa ondare kolektiboazainik, horren berreskuratzea instituzio publikoen ardura da. Historia bakarra ez dagoen bezala, eta iragana ikuspegi askotatik begiratu daitekeenez, badakigu ondare kolektibo hau askotarikoa dela. Eta, idatzita geratu den egia bakarra gainditzeko asmoz, Donostiako Udaleko Giza Eskubideen Bulegoan, ahaztuak izan diren pertsonen oroimena berreskuratzeke, oroimen historikoaren berreskurapenerako lan larria lantzeko beharra ikusi dugu.

Abenduaren 26ko 52/2007 Legea, Gerra Zibilean eta diktaduran indarkeria edo jazarpenera bidegabeki jasan behar izan zituzten aldeko eskubideak aitortu eta zabaltzen dituzenez gero, Espainiako demokrazian Oroimen Historikoari heldu eta Gerra Zibilaren eta

Diktaduraren garaira mugatzen duen lehenengo araua da. Arau horrek hainbat agindu ditu, eta administrazio publiko guztietarakoak izateagatik, Donostiako Udalari ere eragiten diete, Donostiako udal administrazioa baita.

Izan ere, iraganak garbi erakusten digu zergatik iritsi garen gaur egungo egoerara, eta iraganaren irakurketa kolektiboaren bidez, ahaztuak, isilduak, erbesteratuak edo gutxietsiak izan direnen iragana ulertu ahal izango dugu, etorkizunean berriro ere huts berak ez egiteko. Diputatuen Kongresuko Konstituzio Batzordeak aho batez onartu zuen 2002ko azaroaren 20an Legekoa ez den proposamenak dioenez, « inor ezin da legitimaturik sentitu, lehenaldian bezala, indarkeria erabiltzeko uste politikoak inposatzeko eta herritar guztien askatasunaren eta duintasunaren aurkako erregimen totalitarioak ezartzeko, horrek gure gizarte demokratikoaren gaitzespena eta, ezinbestekoa da oroimen historikoa berreskuratzea, etorkizuna justizian eta demokrazian eraiki ahal izateko».

Diktadura frankistapean eta ondorengo urteetako itzalak gogora eta argitara ekarri nahi ditugu, erregimen autoritario hori 1936ko uztailaren 18ko estatu kolpearen ondorioz jaio baitzen eta XX. mendeko azken laurdena arte heldu.

Hartarako, ezinbestekoa dugu biktima guztien bertsioa jakitea».

Donostiako Udalak uste osoa du jardunbide egoki baten oinarrien baitan dagoela herritarrek parte hartzea oroimen historikoaren arloko politika sortzerakoan eta proiektu, programa eta jardueren definizio, programazio, jarraipen eta ebaluazio lanak egiterakoan.

Giza Eskubideen Bulegoaren baitan, oroimen historikoaren ildo berria izanik, honi bultzada emateko asmoz, Oroimen Historikoaren Kontseilua osatzea erabaki da, herritarren parte hartze organoa, eta, bereziki Herritar Elkarteena, baita oroimen historikoa berreskuratze lan egiten duten talde eta erakundeena: oroimen historikoa berreskuratze lan egiten duten elkarten, taldeen eta pertsonen gunea, haien kezkek, ekimenak eta proposamenak aurkeztu ahal izateko, hain zuzen ere, elkarren arteko harreman sareak josteko eta Donostiako Udalarekin zuzenean hitz egin ahal izateko.

Horren ondorioz, Herritarren Partaidetzako Araudiko 32 eta 33 artikuluetan ezarritakoaren babespean Donostiako Udaleko Oroimen Historikoaren Kontseilua eratu eta arautzen da.

I. TITULUA

XEDAPEN OROKORRAK

1. artikulua. Araudiaren xedea.

Araudi honen xedea Donostiako Udaleko Oroimen Historikoaren Kontseilu Sektoriala eratu eta arautzea da, Gerra Zibilean eta Diktaduran jazarpena edo indarkeria jasan zutenen aldekoa.

2. artikulua. Izaera.

1. Oroimen Historikoaren Kontseilua aholkuak, informazioa, eztabaida, azterketa eta proposamenak bideratzeko sektoreko parte-hartze kide anitzeko organo iraunkorra da; eta bere helburuak dira oroimen historikoaren alorrean giza eskubideak defendatzea eta sustatzea, Donostiako oroimen historikoaren berreskuratzearen bitartez, erdigune hartuta «Frankoren diktadura» deritzon historiako aldia (hau da 1939-1975), Gerra Zibila ere barruan (1936 uztailatik /1939), aldi oso honen mugak, kronologia aldetik, abenduaren 26ko 52/2007 Legeak ezarritakoak.

2. Kontseiluari legitimitatea eta lidergoa aitortzen zaio oroimen historikoaren politiken inguruko asmoak adierazi eta proposamenak helarazteko organo gisara. Era berean, udal-erakundearen eskumenen barneko jarduera edo ildo orokorrak zuzentzeko baliagarri izan daitezkeen irizpide eta gomendioak ere igor ditzake.

3. Kontseiluak aholku-emaile izaera du, hau da, iritzi eta proposamenak emateko gaitasuna du, eta hauek binkulanteak ez izan arren, Udal ekimenean eragina izan dezaten baliabideak zehaztuko dira.

4. Oroimen Historikoaren Kontseilua arautuko dute, honako araudi honek, Donostiako Udaletxeko Herritarren Partaidetzarako arau organikoak eta aplikatu daitezkeen gainerako beste xedapenek.

3. artikulua. Kontseiluaren helburuak.

Udal honetako Oroimen Historikoaren Kontseiluaren helburuak honakoak dira:

1. Kontseilu sektorial guztientzako orokorrak edo komunak direnak, baina beti ere Oroimen Historikoaren Kontseiluaren tematikarekin harremana dutenak, hau da:

a. Udal jarduera sektorialekin lotutako aholkularitza, informazioa, eztabaida, azterketa eta proposamen organo iraunkorra izatea.

b. Udal planifikazioan parte hartzeko lehentasunak eta irizpideak proposatzeko gune izatea.

c. Udal jardueraren gaineko jarraipena egitea.

d. Gobernuaren eta Kontseiluko kideen ekimen zehatzak aurkezteko foro bilakatzea.

e. Herritar eragile, eragile publiko eta pribatuen parte-hartze aktiboa eta iraunkorra egiteko bidea eskaintzea, eragile ezberdinen arteko elkar ezagutza sustatu eta elkarrizketa-espazio gisa baliagarri izatea, elkarlan sareak sortu eta koordinazioan sakontzeko aukera emango duen gune izatea.

f. Beste udal kontseiluekin osotasun baten parte izatea.

2. Oroimen Historikoaren arloko Aholku Kontseiluaren berariazkoak:

a. Donostiako Oroimen Historikoa, Gerra Zibilari eta Frankoren diktaduratik dagokienez, berreskuratu eta zabaltzea.

b. Gerra Zibilean eta Frankoren diktaduran gertatutako Giza Eskubideen urraketak aitortzea, **Giza Eskubideen arloko nazioarteko araudiekin bat eginda.**

c. Lankidetzat sustatzea Gerra Zibilaren eta Frankoren diktaduraren biktimen oroimen historikoaren inguruan lan egiten duten elkarten artean eta udalarekikoak.

d. Gerra Zibilaren eta Frankoren diktaduraren biktimek merezi dituzten egia, justizia eta erreparazio eskubideak **eta berriro ez gertatzeko bermeak** sustatzea eta bultzatzea.

* 2017ko urtarrilaren 25eko Udalbatzako akordioaren bidez, 3.2 artikulua "b" eta "d" atalak aldatzen dira.

<https://ssl4.gipuzkoa.net/euskera/gao/2017/08/14/e1705632.htm>

4. artikulua. Kontseiluaren funtzioak.

1. Kontseilu sektorial guztientzako orokorrak edo komunak direnak, baina beti ere Oroimen Historikoaren Kontseiluaren tematikarekin harremana dutenak, hau da:

- a. Arlo bakoitzari dagozkion Udal Gobernuaren Legislatura hasierako asmoak aztertzea, irizpide eta lehentasunei buruzko proposamenak eginez.
- b. Kontseiluaren tematikarekin harremana duen aurrekontu proiektua aztertzea **eta proposamenak egitea**: irizpideak, ekintzak, lehentasunak.

* 2017ko urtarrilaren 25eko Udalbatzako akordioaren bidez, 4.artikuluaren "b" atala zuzentzen da.

<https://ssl4.gipuzkoa.net/euskera/gao/2017/08/14/e1705632.htm>

- c. Udalaren sektorekako egitasmo arauemaile eta planifikazioari buruzko informazioa ezagutzeko gune izango dira, eta hala dagokionean Kontseiluek parte hartuko dute arloarekin zerikusia duten Plan, programa eta Ordenantzen zein Araudien prestaketan eta berrikusketan.
 - d. Kontseiluaren lan arloarekin harremana duten jarduerak proposatzea.
 - e. Arloarekin harremana duen gairen bat sakonago aztertzeko beharra ikusten bada, Kontseiluarekin lotuta egongo diren lan-taldeak eratzea erabakitzea.
 - f. Kontseiluaren baitatik ezarritako beste edozein eginkizun, «Izaera» atalean zehaztutako mugapean izanez gero eta helburuak lortzeko baliagarriak badira.
2. Oroimen Historikoaren arloko Kontseiluaren berariazkoak:
- a. Ikuspuntu desberdinak elkarri aurkezteko helburuarekin, gertatutakoaren egiak bilatzea.
 - b. Gerra Zibilean eta Frankoren diktaduran errepresaliatutako pertsonen eskubideak aldeztu eta zabaltzea».
 - c- Arraza, generoa edo sexu orientazioagatik Frankoren diktadurak baztertu edo errepresaliatu zituen herritar, talde edo sektoreen historiak eta diskurtsoak jasotzea».
 - d. Garai hartan gauzatu zen mina aitortzea eta konpontzea, Udalaren eskumenen barnean beti ere.
 - e. Topaleku bat sortzea, urteetan zehar gai hauek landu dituzten pertsona eta taldeentzako.
 - f. Elkarteen arteko komunikazioa, elkarlana eta ideien eta esperientzien trukea bultzatzea.

II. TITULUA

KONTSEILUAREN OSAERA ETA AUKERAKETA

I. KAPITULUA. OSAERA ETA KIDETZA

5. artikulua. Oroimen Historikoaren Kontseiluaren osaera.

1. Kontseiluko LehendakariTza kargua Donostiako Alkateak izango du eta funtzio hori Giza Eskubideen Arloan eskumena duen zinegotziaren esku utzi ahal izango du.

2. LehendakariordeTza: Oroimen Historikoaren arloko herritarren elkarte baten ordezkari den Kontseiluko kide batek hartuko du.

3. Bokalak:

a. Udal Ordezkaritza instituzionala:

Giza Eskubideen Arloan eskumena duen zinegotzia. Udalean dauden udal talde bakoitzeko **ordezkatzan duen pertsona bat**.

* 2015eko abenduaren 22ko Udalbatzako akordioaren bidez, 5.3 artikulua "a" atala aldatzen da.

<https://ssl4.gipuzkoa.net/euskera/gao/2016/04/06/e1602152.htm>

b. Memoria Historikoaren arloarekin harremana duten helburu sozial, xede edo jarduerak dituzten Herritarren elkarteetako ordezkari banak, baldin eta Donostiako Udaleko Herritarren Elkartearen Erregistroan izena eman duten eta Kontseilu honetan parte hartzeko beraien borondatea adierazi duten.

c. Herritarren Partaidetzari Buruzko Arau Organikoaren 27. artikulua dioen moduan, interesdunen zerrendetan agertzen direnen artean zozketa bidez aukeratutako 2 pertsona fisiko gehienez, Gerra Zibilak eta Frankoren diktadurak mugatzen duten aldi historikoan jazarpen eta indarkeria politikoaren zuzeneko biktimak edo aipatu aldian zio politiko, kultural, erlijioso, talde jakin bateko kide izan edo edozein ezaugarri pertsonalarengatik gizarte ideia totalitarioaren aurkakoa jotako bestelako ezaugarri pertsonalarengatik hil, desagertu, erbesteratu, espetxeratu eta / edo lan behartuak jasandako biktima hildakoen zuzeneko senideak.

d. Memoria Historikoaren Kontseilua osatuko dute ere arlo honetan gizarte-ospe berezia duten pertsona edo kolektiboek, Kontseilu Sektorialeko Bilkurak hala erabakita eta Herritarren Partaidetzari Buruzko Arau Organikoaren 33.2 Artikuluak dioenari jarraiki.

Alderdi politikoaren ordezkariak ezingo da bikoiztu, udal korporazioko kide izateagatik hauek jada ordezkari bat badute.

4. Kontseiluaren Idazkaritza.

6. artikulua. Udalean dauden udal taldeetako ordezkari dagokiena.

1. Udalean dauden udal taldeak proposatuko dituzte beraien ordezkari izango diren bokalak (titularrak eta ordezkariak).

2. Agintaldi osoan zehar garatu ahal izango dute beraien ordezkariak.

7. artikulua. Oroimen Historikoaren arloko Herritarren Elkartearen ordezkari dagokiena.

Memoria Historikoaren arloarekin harremana duten helburu sozial, xede edo jarduerak dituzten Herritarren Elkarteek eta Erregistroan horrela identifikatuta daudenak, kontseiluan parte hartzeko eskaera egingo dute idatziz, dokumentazio honekin batera:

* Memoria Historikoaren Kontseiluan parte hartzeko elkartearen akordioa, non elkartearen ordezkaria eta bere ordezkaria izendatzen diren.

Erakunde bakoitzak ahalegina egin beharko du bere ordezkariak bi hizkuntza ofizialetan aritzeko gaitasuna izan dezaten.

Kontseiluaren Idazkaritzak lehen aipatutako baldintzak betetzen ote diren aztertuko du eta txostena aurkeztuko du Batzorde Iraunkorrean eta horrelakorik ez balego Lehendakariari aurkeztuko dio.

8. artikulua. Herritarren Partaidetzari Buruzko Arau Organikoaren 27. Artikuluan zehazten diren Pertsona Fisikoei dagokiena.

Herri Partaidetzaren eskuduntza duen udal arloak Oroimen Historikoaren Kontseiluko Idazkaritzari jakinaraziko dio Giza Eskubideen arloko interesdunen zerrendetan ageri direnen artean zozketa egin eta gero Oroimen Historikoaren Kontseiluan bokal izateko aukeratutako pertsona fisikoen izena. Gizon eta emakumeen kopuru parekideak egon

daitezen saiatuko da.

Sistema honen bidez aukeratutako pertsonak gehienez bi izango dira.

Gehienez 4 urtetan zehar izango dira Kontseiluko bokal.

9. artikulua. Oroimen Historikoaren arloan gizarte-ospe berezia duten pertsona edo kolektiboei dagokiena, Kontseiluaren Bilkuran adostuak.

Oroimen Historikoaren arloan gizarte-ospe berezia duten pertsona edo kolektiboek Oroimen Historikoaren Kontseiluan parte hartzeko eskaera aurkeztu beharko dute idatziz, dokumentazio honekin batera.

1) Oroimen Historikoaren arloan izan duen ibilbidea jasotzen duen Memoria, garatzen dituen ekintzak araudi honetako Arrazoiaren Azalpena eta Helburuen ataletan zehazten diren Oroimen Historikoaren Kontseiluaren xedeekin bat egiten dutela egiaztatzen duena. Hala izan bada, Donostiako Udalarekin elkarlanean edo haren partaidetzaz burututako jardunbideak adierazi beharko ditu memoriak.

2) Oroimen Historikoaren Kontseiluan parte hartzeko akordioa, non ordezkaria eta bere ordezkaria izendatzen diren.

Gizarte-ospe berezia duten pertsona eta kolektibo bakoitzak ahalegina egin beharko du bere ordezkariak bi hizkuntza ofizialetan aritzeko gaitasuna izan dezaten.

* 2017ko urtarrilaren 25eko Udalbatzako akordioaren bidez, 9.artikuluko 4) paragrafoa zuzentzen da.

<https://ssl4.gipuzkoa.net/euskera/gao/2017/08/14/e1705632.htm>

Kontseiluaren Idazkaritzak lehen aipatutako baldintzak betetzen ote diren aztertuko du eta txostena aurkeztuko du Batzorde Iraunkorrean, eta ez balitz egongo Lendarakitzari, honek Kontseiluaren hurrengo Bilkuran akordio proposamena aurkeztuko du, bi aukera hauetako batekin:

a. Oroimen Historikoaren Kontseiluko kide izateko onarpena.

b. Ez onartzea Oroimen Historikoaren Kontseiluko kide izateko eskaera, arrazoitua izan beharko duena.

Bilkurak akordio proposamena onartzen duen edo ez erabakiko du gehiengo soilez.

10. artikulua. Kontseiluko bokal izateko baldintzak.

1. Kontseiluko kide izateari ondorengo arrazoiengatik utziko zaio:

a) Erakundeak edo pertsona fisikoak borondatez uko egitea.

b) Ordezkatzen duen elkarte edo erakundea desegitea.

c) Aholku Kontseiluaren bokal izateko eskatutako baldintzetako baten galera.

d) Segidako bi bilkuretara edo segidakoak ez diren hiruetara zuritu gabe huts egiten dutenean.

e) Kontseiluaren Araudia eta barne-araudia edo bere gobernu organoen ebazpenak behin eta berriz ez betetzea edo Kontseiluaren funtzionamenduari kalte larria egitea.

f) Aholku Kontseiluaren printzipio eta helburuen aurkako jokabideak azaltzea edo aktibitate nahiz adierazpideak egitea.

2. Aholku Kontseiluaren kide izateari uzteko erabakia Bilkuran hartuko da, Batzorde Iraunkorraren proposamenez, eta d) kasua ematen bada kide izateari uzteko prozedura hasiko du.

Horretarako idatziz eskatuko zaie Kontseilu Sektorial honetan eta bere jardueretan parte hartzen jarraitzeko borondatea adieraztea. Gainerakoan, baja emango zaie.

e) edo f) kasuetan Bilkurako erabateko gehiengoak onartu beharko du kargugabetzea.

3. Arestian aipatutako arrazoiren bat oinarri hartuta Osoko Bilkuratik kanpo utzi diren pertsona, elkarte edo kolektiboek ezin izango dute berriro Kontseiluan parte hartzeko esabiderik egin, kanporatzea gauzatu eta urtebete igaro arte.

II. KAPITULUA. OROIMEN HISTORIKOAREN KONTSEILUAREN ERATZEA

11. artikulua. Oroimen Historikoaren Kontseiluaren eratzea.

Araudi honen testu osoa Gipuzkoako ALDIZKARI OFIZIALEAN argitaratu eta hiru hilabeteen epearen barne Kontseiluaren eratzeko bilkura egingo da.

12. artikulua. Eratze saioa.

Kontseilua egoki eratzeko, Lehendakaritza eta Idazkaritzak egon beharko dute, eta bokal hauen erdiak:

Giza Eskubideen Arloan eskumena duen zinegotzia. Udalean dauden udal talde bakoitzeko **ordezkatzen duen pertsona bat.**

* 2015eko abenduaren 22ko Udalbatzako akordioaren bidez, 12. artikuluan 2. paragrafoa aldatzen da.

<https://ssl4.gipuzkoa.net/euskera/gao/2016/04/06/e1602152.htm>

Memoria Historikoaren arloarekin harremana duten helburu sozial, xede edo jarduerak dituzten Herritarren Elkarteetako ordezkari banak, baldin eta Donostiako Udaleko Herritarren Elkartearen Erregistroan izena eman duten eta eta Kontseilu honetan parte hartzeko beraien borondatea adierazi duten.

Herritarren Partaidetzari Buruzko Arau Organikoaren 27. Artikuluak dioen moduan, interesatuen zerrendetan ageri direnen artean zozketa bidez aukeratutako gehieneko bi pertsona fisiko.

Herritarren Partaidetzari Buruzko Arau Organikoaren 33.2 Artikuluak dioenari jarraiki, bilkura honetako eguneko gaitegian araudi honetako 9. Artikuluan aipatzen diren Oroimen Historikoaren arloan gizarte-ospe berezia duten pertsona edo kolektibo zehatzak onartzeko edo ez onartzeko proposamena jaso beharko da, etorkizunean sarrera berriak egoteko kalterik gabe.

III. TITULUA

ANTOLAKETA

13. artikulua. Kontseiluko Organoak.

Oroimen Historikoaren Kontseiluak honako organo hauek izango ditu:

- Lehendakaritza.
- Lehendakariordetza.
- Kontseiluaren Bilkura.

— Batzorde Iraunkorra.

— Lan-taldeak.

— Idazkaritza.

I. KAPITULUA. LEHENDAKARITZA ETA LEHENDAKARIORDETZA

14. artikulua. Lehendakaritza.

1. Kontseiluko Lehendakaritza kargua Donostiako Alkateak izango du eta funtzio hori Giza Eskubideen Arloan eskumena duen zinegotziaren esku utzi ahal izango du.

2. Lehendakariordearen laguntzaz, Kontseilua zuzenduko du eta bere gain hartuko du honen ordezkaritza.

3. Lehendakaritzari dagokio bilkurak deitzea, eguneko gai zerrenda ezartzea (beti ere Batzorde Iraunkorraren proposamenak kontuan hartuta), bilkurak zuzentzea, proposamenak Udalaren kudeaketa eta gobernu organoei helaraztea eta organo kolegiatu baten funtzionamenduari berez dagozkion gainerako eginkizunak, hala nola kalitatezko bozka erabiltzea berdinketa kasuetan, saiok moderatu eta eztabaidak bideratzea eta akordioak betetzea.

Lehendakaritzari dagokio ere.

a. Batzorde Iraunkorrari entzun ondoren, araudi hau interpretatzean sor daitezkeen zalantzak argitzea.

b. Herritarren Parte-hartzea bermatzea.

c. Kontseiluaren eta Udal Gobernu eta Kudeaketa Organoen arteko harremana koordinatzea, hala nola Udaleko Kontseilu ezberdinen arteko koordinazioa sustatu, informazioa trukatu, beharrezkoa denean, neurri eta ekintza bateratuak proposatzeko.

d. Kontseiluaren helburuak betetzen direla eta bertako jarduerak indarrean dagoen araudiaren arabekoak direla egiaztatzea.

e. Kontseiluaren Bilkuraren edo Batzorde Iraunkorraren proposamenez, Zinegotzi Ordezkarri, teknikari, erakunde, entitate edo pertsonak gonbidatzea, aztertu beharreko gairen batean adituak direlako edo beraien iritziak jaso nahi direlako.

f. Gai-Zerrendan landutako gaien inguruko beharrezko informazio eta dokumentazioa osagarria eskatzea eta Kontseiluaren jardunbide egokia bermatzearen, beharrezko eta apropos deritzon udaleko edo kanpoko laguntza teknikoa eskatzea.

Udal Zerbitzu ezberdinek, informazio eskaerei gehienez ere 30 eguneko epean erantzun beharko diete.

g. Organoaren akordioei buruzko aktak eta ziurtagiriak bisatzea.

h. Kontseiluaren bozeramaile izatea Lehendakariordearekin batera.

g. Lehendakari izaerari datxekion ezein funtzio aurrera eramatea.

15. artikulua. Lehendakariordetza.

1. Lehendakariordetza Herritarren Elkarte baten ordezkariari dagokio, eta bere funtzioen barne daude Lehendakaritzari laguntzea eta berarekin elkarlanean aritzea.

Kontseiluko lehendakariordeak lehendakaria ordeztuko du postua hutsik badago, Lehendakaria ez badago edo gaixorik bada eta, eta Kontseilu honetako beste organoek eskuordetutako funtzioez gain beste hauek beteko ditu.

- a. Batzorde Iraunkor eta Lan-Taldeen jarduerak koordinatuko ditu.
 - b. Hiriko Gizarte Kontseiluan Oroimen Historikoaren Kontseiluaren ordezkari izango da.
 - c. Lehendakariarekin batera Kontseiluaren bozeramaile izatea.
2. Lehendakariordetza eta bere ordezkoa Kontseiluaren Osoko Bilkuraren gehiengoaz izendatuak izango dira herritarren elkarte baten ordezkari den Kontseiluko kideen artetik eta hauen proposamenez.
 3. Lehendakariordetza urtero berretsiko da Kontseiluaren Osoko Bilkuran eta pertsona batek gehienez lau urtez hartu ahal izango du.
 4. Lehendakariordetzarako aukeratutako pertsona bi hizkuntza ofizialetan aritzeko gaitasuna izan dezan bilatuko da.
 5. Posible den heinean, emakumeak eta gizonak tartekatuko dira Lehendakariordetzan.

II. KAPITULUA. KONTSEILUKO BILKURAREN ANTOLAKETA

1. SEKZIOA. Osakera eta ahalmenak

16. artikulua. Bilkuraren osakera.

1. Bilkura da Oroimen Historikoaren Kontseiluko organo gorena.

2. Kontseilua osatzen dute:

* Lehendakaritzak.

* Lehendakariordetzak.

*Kontseiluaren Idazkaritzak.

* Bokalak:

a. Giza Eskubideen Arloan eskumena duen zinegotzia. Udalean dauden udal talde **bakoitza ordezkatzeko duen pertsona bat.**

* 2015eko abenduaren 22ko Udalbatzako akordioaren bidez, 16.2 artikulua "a" atala aldatzen da.

<https://ssl4.gipuzkoa.net/euskera/gao/2016/04/06/e1602152.htm>

b. Herritarren elkarteetako kide banak, haien helburuek, xedeek edo jarduerak zerikusia izanez gero Gerra Zibilaren eta Frankoren diktaduraren gaineko Oroimen Historikoaren arloarekin.

c. Herritarren Partaidetzari Buruzko Arau Organikoaren 27. Artikuluak dioen moduan, interesatuen zerrendetan ageri direnen artean zozketa bidez aukeratutako bi pertsona fisiko gehienez.

d-Gerra Zibilaren eta Frankoren diktaduraren gaineko Memoria Historikoaren arloari gizartean ospe berezia duten pertsonak edo kolektiboak, Kontseilu Sektorialeko Bilkurak hala erabakiz gero.

3. Bilkura osatzen duten gizon eta emakume kopuruetan parekidetasuna sustatuko da.

4. **Lehendakariak gonbidatuta**, bilkuran parte hartuko dute ere hitza bai baina botorik ez duten honako hauek:

— Giza Eskubideen Bulegoko Udal teknikariek.

— Giza Eskubideen arloan eskumena duen zinegotzi ordezkariaren aholkulariak.

* 2017ko urtarrilaren 25eko Udalbatzako akordioaren bidez, 16.artikuluko 4) paragrafoa zuzentzen da.

<https://ssl4.gipuzkoa.net/euskera/gao/2017/08/14/e1705632.htm>

17. artikulua. Bilkuraren ahalmenak.

Kontseiluko Osoko Bilkuraren eskuduntzak ondorengoak dira:

1. Kontseiluaren jardueraren ildo estrategikoak zehaztu.
2. Jardueren urteko plana eta honen memoria ebaluatu eta onartu, baita Batzorde Iraunkorraren eta Lan-Taldeen kudeaketa.
3. Lehendakariordetzaren eta bere ordezkoren hautaketa.
4. Batzorde Iraunkorra sortzea eta honen osakera zehaztea.
5. Lan-Taldeak osatzea onartzea.
6. Udal Administrazioaren onespena jaso behar duten arloko politiken inguruko proposamen eta txosten ezberdinak aztertu, eztabaidatu eta horien inguruko iritzia eman.
7. Barne Araudia eta beste funtzionamendu-arauak onartu, iradokizun eta aldaketa egokiak proposatuz.
8. Kontseiluan sartu nahi duten bokal berriak onartu, baita jada bertan dauden batzuen irteera ere, Batzorde iraunkorrak aurretik proposatu eta barne-araudiak edo administrazioak erregulatutako beste arauak hala badiote.

2. SEKZIOA. Funtzionamendua

18. artikulua. Bilkura motak.

a. Ohikoak: urtean hiru aldiz gutxienez egingo dira.

Batzorde Iraunkorraren proposamenez, Kontseiluaren urteko lehen bileran zehaztuko da urteko ohiko bilkuren egutegia.

b. Ohiz-kanpokoak.

Lehendakariak deituta egingo dira, bere kabuz, Kontseiluan parte hartzen duten bokal guztien %50 baino txikiagoa ez den kopuru batek hala eskatuta edo Batzorde Iraunkorraren eskariz.

c. Premiazkoak:

Lehendakariak hala erabakiz gero edo Kontseiluan parte hartzen duten bokal guztien %50 baino txikiagoa ez den kopuru batek hala eskatuta.

Premiazko bileretara gutxienez 48 ordu lehenago egingo dira deialdiak.

Kontseiluaren Bilkurak gehiengo soilez berretsi beharko du premiaz biltzearen zergatia, eta gai zerrendako lehenengo aztergai moduan agertuko da Bilkurak asuntua presazkotzat jo beharra.

19. artikulua. Bilkuren gai-zerrenda eta deialdia.

Bilkurako kideei ohiko eta ohiz-kanpoko deialdiak dagokien gai-zerrendarekin gutxienez 15 egun lehenago jakinaraziko zaizkie, premiazko bileretara izan ezik, zeintzuk gutxienez 48 ordu lehenago egingo dira deialdiak.

Kontseiluko bokalek Idazkaritzari luzatu ahal izango dizkiote bilkuretako gai-zerrendan sartu nahi dituzten gaiak, eta Batzorde Iraunkorrean aurkeztuko dira oniritzia jaso dezaten. Batzorde Iraunkorrak edo Lehendakaritzak gaiak proposatu ahal izango dituzte ere. Lehendakaritzak egoki irizten dituen gaiekin osatuko da gai-zerrenda.

Saio bakoitzari dagokion dokumentazioa Bilkurako kideei helaraziko zaie gai-zerrendarekin batera.

Deialdia bitarteko elektronikoz egitea lehenetsiko da. Posible ez balitz prozedura administratiboari buruz indarrean dagoen araudiarekin bat datorren edozein bide erabilita egin ahal izango da.

Dokumentazioa udal webgunean egon ahal izango da. Dokumentazioaren eskuragarritasuna eta segurtasuna bermatu beharko dira.

20. artikulua. Bilkuren izaera publikoa.

Bilkurak ez dira publikoak, baina Kontseiluaren Bilkuraren edo Batzorde Iraunkorraren proposamenez, araudi honetako 16.4 artikuluko pertsonen gain, aztertu beharreko gairen batean adituak direlako edo beraien iritzia jaso nahi direlako Zinegotzi Ordezkarri, teknikari, erakunde, entitate edo pertsonen parte hartu ahal izango dute.

Batzorde Iraunkorraren proposamenez, Foro Irekia moduan egin ahal izango dira Kontseiluaren Bilkura batzuk edo Bilkurako puntu zehatz batzuen azterketa. Herritarrek hitza bai baina bozka eskubiderik gabe parte hartu ahal izango dute.

3. SEKZIOA. Bilkuren garapena.

21. artikulua. Quorum-ak.

Bilkurak egin, eztabaidak garatu eta akordioak hartzeko osoko bilkura balio osoz eratuko da **lehen deialdian** kide guztien legezko zenbatekoaren erdia bertaratu bada eta, edonola ere, lehendakaritza eta idazkaritza betetzen duten pertsonak edo horien legezko ordezkariak bertaratu beharko dira. Bilkurak dirauen denbora guztian eutsi beharko zaio quorum horri.

* 2017ko urtarrilaren 25eko Udaltzako akordioaren bidez, 21. artikuluko lehen paragrafoa zuzentzen da.

<https://ssl4.gipuzkoa.net/euskera/gao/2017/08/14/e1705632.htm>

Osoko Bilkura bigarren deialdian eratzeko, nahikoa izango da ordu erdi beranduago kideen herena bertaratzea, betiere Lehendakaria eta Idazkaria edo horien legezko ordezkariak bertan baldin badaude.

Gaixotasun bat edo hutsegiteren bat egonez gero, eta orokorrean, pisuzko arrazoiren bat dagoenean, organo kolegiatuko bokal titularren lekuan ordezkariak arituko dira, ordezkariak izanez gero.

22. artikulua. gai zerrendan jasota ez dauden gaiak.

Bilkurako gaiak lantzen hasi baino lehen gai zerrendan jasota ez dagoen edozein gai proposatu eta aztertzea bozkatu ahal izango da, baldin eta premiazko arrazoirik balego eta Lehendakariak aurkeztuko balu, bere kabuz nahiz Bilkurako edozein bokalek hala eskatuta. Gehiengo osoz erabakiko da gaia aztertzea.

Gaiak bere izaeraren arabera landuko dira: aholku emailea, informazioa eskaintzeko, eztabaidatzeko, aztertzeko edo proposamena egiteko.

Kontseiluak aholkulari izaera du. Ikuspuntu guztiak islatzeko baldintzak sortu behar dira eta iritzi eta proposamenak emateko baldintzak egon behar dira ere. Helburua ez da nahita nahiez kontzientzia bilatzea, aldiz adostasun zabalez modu kolektiboan sortutako adierazpen eta proposamenak bilatuko dira eta gai baten inguruan iritzi ezberdinak baleude islatu beharko liriateke.

23. artikulua. Bozkatzeko prozedura.

Botoa pertsonala da, eta ezin da eskuordetu, eta bokal titularrak edo bere ordezkokoak gauzatuko dute, ordezkorik izanez gero.

Orokorrean, botoa publikoa izango da. Botoa ezkutukoa izango da Bilkuran dauden pertsona gehienek horrela eskatuz gero. Bozka baiezkoa, ezezkoa edo abstentzioa izan daiteke.

Bozka bidezko akordio edo proposamenak gehiengo soilez hartuko dira: gehiengo soila baiezko botoak ezezkoenak baino gehiago direnean gertatzen da.

Gehiengo osoa baiezko botoak Kontseiluko Bilkuraren kide kopuruaren erdia gainditzen dutenean izango da.

Bozketaren emaitza berdinketa bada, bozketa berria egingo da. Berdinketak badirau Lehendakaritzaren botoak erabakiko du.

Gaia eztabaidatzen hasi eta gero kideren batek bilkura utziko balu, dagokion bozketan abstentziotzat joko da.

24. artikulua. Aktak.

Idazkariak bilkura guztien akta egingo du eta honakoak jasoko ditu bertan: Bileran izandakoen izenak, eztabaiden alderdi nagusiak eta hartutako erabakien edukia.

Bilkuren behin-behineko aktak, bilkura egin eta posible bada egutegiko 20 eguneko epean bidaliko zaizkie Kontseiluko kideei.

Aktak hurrengo bileran onartuko dira. Hala eta guztiz ere, Idazkariak hartutako erabakiei buruzko ziurtagiriak eman ditzake, akta gero onartu behar bada ere.

Behin-betiko aktak publikoak izango dira eta onespena jaso eta 15 egunetik aurrera eskatzen dituenaren esku egongo dira.

4. SEKZIO. Bilkurako kideen eskubide eta betebeharrak.

25. artikulua. Eskubide eta betebeharrak.

Osoko Bilkurako kideek eskubide eta betebehar hauek izango dituzte:

1. Eskubideak:

1. Udaleko Gobernu eta kudeaketako organo eskudunek Oroimen Historikoaren Aholku Kontseiluaren eskumeneko edo intereseko gai orotan hartzen dituzten erabaki guztien informazioa eskatu eta jasotzeko eskubidea.

2. Eguneko Gai Zerrendarako proposamenak egitea.

3. Oroimen Historikoaren Aholku Kontseiluko Arduradun Teknikoaren eskutik Eguneko Gai Zerrendan sartutako gaiak argituko dituzten aurrekariak, argibideak eta agiriak eskatzea.

4. Bilkurako eztabaidetan parte hartzea, proposamenak eta galdera-eskaerak egitea.

5. Boto eskubidea erabiltzea, eta, bidezko denean, beren boto partikularra ematea horretarako arrazoiak azalduz.

6. Oroimen Historikoaren Aholku Kontseiluaren barruan eratzten diren lan- taldeetan parte hartzea.

7. Batzarkide diren partetik, berez dagokien gainerako zeregin oro garatzea.

2. Betebeharrak:

Era berean, funtzio horiek garatzean behartuta daude:

1. Oroimen Historikoaren Aholku Kontseiluaren Araudia eta barne-araudia eta bere gobernu organoen ebazpenak betetzea.

2. Kontseiluaren helburu eta oinarrien aurkakoak diren jarduera, jarrera edo adierazpenak ez burutzea.

3. Harreman jarraikorra mantentzea ordezkatzen duten elkarte edo entitateekin Kontseiluan landu diren edo landuko diren gaiei buruz.

4. Egiten diren bilkuretan erregulartasunez parte hartzea eta ordezkoen erabilera ekiditen saiatzea: ez bertaratzea aldez aurretik arrazoitu beharko da.

5. Kontseiluan ordezkatuta dauden pertsonen harremanetarako helbide edo legezko egoera-aldaketen berri ematea.

III. KAPITULUA. IDAZKARITZA

26. artikulua. Idazkaria.

1. Idazkaritza Udal Idazkariari edo honek eskuordetutako pertsonari dagokio: kasu honetan bi hizkuntza ofizialak menperatu beharko ditu.

2. Bere funtzioak honakoak dira:

a. Lehendakaritza eta Lehendakariordetzak eskatutako dagozkion gaietan laguntza ematea.

b. Eguneko Gai-zerrendarako proposamenak jasotzea.

c. Lehendakariaren aginduz bileren deialdiak osatzea eta bidaltzea, bai eta bokalentzako zitazioak ere.

d. Kontseiluko bilkuren aktak altxatu eta bertan adostutako akordioen ziurtagiriak igortzea.

e. Kide, ordezkaritza eta partaideen Errolda eguneratua izatea, organo ezberdinena, bai eta sarrera eta irteerenak ere.

f. Idazkari izateari berez dagokion gainerako zeregin oro garatzea.

3. Bere funtzioak aurrera eramateko, Giza Eskubideen arloan eskumena duen Saileko udal langileen laguntza izango du, non Kontseiluaren Arduradun Teknikoa izendatuko den.

IV. KAPITULUA. BATZORDE IRAUNKORRA

27. artikulua. Batzorde Iraunkorreko osakera eta kideak.

1. Batzorde Iraunkorra da Bilkuren arteko organo gorena.

Bera arduratzen da Kontseiluaren eguneroko kudeaketaz eta, Bilkura bildua ez delarik, haren zuzendaritza bere gain hartzen du.

Kontseiluaren Batzorde Iraunkorra honako hauek osatuko dute:

a. Lehendakaritzak: Kontseiluaren lehendakaria.

b. Lehendakariordetzak,

c. Kontseiluko Osoko Bilkurak hautatutako bilkurako bost bokal gehienez. Edozein bokalek proposatuta, hautaketa Osoko Bilkurak egingo du talde hauetako bokal izaera dutenen artean: Herritarren Elkarteak, Pertsona Fisikoak, Oroimen Historikoaren arloan gizarte-ospe berezia duten pertsona edo kolektiboak. Batzorde Iraunkorreko bokalen %50 gutxienez Herritarren Elkarteetako ordezkariak izango dira.

Pertsona hauen artean emakume eta gizonen kopurua parekidea izatea sustatuko da eta bi hizkuntza ofizialetan aritzeko gaitasuna izan dezaten saiatuko da.

d. Kontseiluko Idazkaria, hitza bai baina bozka eskubiderik gabe parte.

Lehendakaritzak hauek gonbidatu ahal izango ditu hitza bai baina bozka eskubiderik gabe.

— Giza Eskubideen Bulegoko teknikariak.

— Jorratu beharreko gaiaren araberrako ezein pertsona garrantzizkok.

2. Kontseiluaren Osoko Bilkurak urtero berretsiko ditu Batzorde Iraunkorreko Bokalak, eta gehienez lau urtez hartu ahal izango dute ardura hori. Ordezkaketak egiteko orduan gizon eta emakumeen kopuruetan parekidetasuna lortzen saiatuko da.

28. artikulua. Funtzioak.

A. Batzorde Iraunkorrek honako funtzio hauek ditu:

1. Lan-urte bakoitzaren hasieran, Kontseiluaren Urteko Aktibitateen Programa eta egutegi proposamena aurkeztea eta Lan-urte bakoitzaren amaieran haren kudeaketari dagokion Memoria edo akten laburpena aurkeztea Bilkurari, onets ditzan.

2. Kontseiluaren osoko bilkura bakoitzeko eguneko gai-zerrendan gai zehatzak sartzea eskatzea eta Bilkurako gainontzeko bokalek egindako gai proposamenei oniritzia ematea.

3. Lan-taldeak proposatzea eratzea.

4. Ohiz Kanpoko osoko bilkura egin dadin eskatzea.

5. Araudi honen interpretazioan sor daitezkeen gaietan Lehendakaritzari aholku ematea.

6. Oroimen historikoaren arloko politika eta urteko jarduera-planaren inguruko gaietan Donostiako Udalarekin elkarlanean aritzea, ekimen propioz (Kontseiluko Bilkuran kontrastatuta) eskumena duten organoek honela eskatzen badute.

7. Bilkurak eska diezaiokeen ezein txosten ematea, bai eta egoki deritzon neurri eta ebazpen oro hari proposatzea ere.

8. Kontseiluaren Bilkurari Kontseiluak egin dituen proposamenen ibilbide eta bilakaeraren berri ematea.

9. Premiazkotasuna dela eta, hurrengo Osoko Bilkurari itxaron ezin dioten gai guztien ohiz kanpoko azterketa eta izapidea burutu, ondorengo Plenoan kontuak emanaz.

10. Dagokion Bilkuran, Batzorde Iraunkorrek bere akordio eta ebazpenen berri emango du.

11. Kontseiluaren ebaluaketa koordinatzeaz arduratuko da eta lehen txostena osatuko du.

12. Bilkurak esleli liezazkiokkeen edo Kontseiluaren beste organoei berariaz esleitu ez zaizkien funtzio oro.

29. artikulua. Funtzionamendua.

Batzorde Iraunkorreko osaketa baliagarria izateko **Lehendakariak**, Idazkariak eta boto eskubideko kideen gutxienez erdiek bildu behar dute.

* 2017ko urtarrilaren 25eko Udalbatzako akordioaren bidez, 29. artikulua lehen paragrafoa zuzentzen da.

<https://ssl4.gipuzkoa.net/euskera/gao/2017/08/14/e1705632.htm>

Urte amaieran Batzorde Iraunkorrek datorren urteko Kontseiluaren Osoko Bilkurako egutegi proposamena egiten duenean Batzorde Iraunkorreko bilkuren egutegia proposatuko du ere, eta Batzorde Iraunkorrek gutxienez bilera bat egin beharko du Kontseiluaren ohiko Bilkura bakoitza ospatu artean.

Urteko lehen bileran egutegi hauek, Kontseiluaren Urteko Aktibitateen Programa proposamena eta Lan-urte bakoitzaren amaieran haren kudeaketari dagokion Memoria aurkeztuko zaizkio Bilkurari, onets ditzan. Batzorde Iraunkorraren Ohiz Kanpo Bilerak Lehendakaritzak hala erabakiz gero egingo dira edo kideen erdiak eskatuz gero.

Erabakiak gehiengoz hartuko dira, kontzentsuaren alde egingo bada ere. Berdinketa gertatuz gero, Batzorde Iraunkorreko Lehendakariaren kalitatezko botoak erabakiko du.

V. KAPITULUA. LAN -TALDEAK

30. artikulua. Lan-Taldeak direla eta.

Aztertze eta lan egiteko organoak dira Lan-Taldeak eta euren zeregina emandako helburuetarako egokiak diren txostenak eta proposamenak sortu eta jarduerak egitea da. Egiten duten guztiaren berri eman beharko diote Batzorde Iraunkorrari eta Osoko Bilkurari. Edonola delarik ere, Lan Taldeen txostenak ez dira lotesleak izango.

Edonola ere, Lehendakariordeak edo berak aukeratutako Batzorde Iraunkorreko bokal batek koordinaturik egongo dira.

* 2017ko urtarrilaren 25eko Udalbatzako akordioaren bidez, 30. artikuluko bigarren paragrafoa zuzentzen da.

<https://ssl4.gipuzkoa.net/euskera/gao/2017/08/14/e1705632.htm>

Osakera eta kideen kopuruak erabaki ondoren, kontseiluko ordezkarietatik parte hartzeko prest daudenek osatuko dituzte.

Lan-Taldeetako kideen artean emakume eta gizonen kopurua parekidea izatea sustatuko da.

Lan-Taldeetako kideek bi hizkuntza ofizialetan aritzeko gaitasuna izan dezaten saiatuko da.

Bertan Kontseiluan parte hartzen duten bokalek parte hartu ahal izango dute, eta baita aztertuko den gaian adituak diren pertsonak edo ekarpenak egin ditzaketenak.

VI. KAPITULUA. EBALUAKETA

31. artikulua. Ebaluaketa.

Ebaluaketa jarraitua sustatuko da.

Kontseiluaren bilkuraren saio bakoitzaren amaieran saioaren beraren balorazioa egiteko tarte bat hartuko da.

Bi urtean behin edo eta Kontseiluaren erdiak eskatzen duen unean Kontseiluaren ibilbideari buruzko ebaluaketa antolatuko du Batzorde Iraunkorrek: gutxienez helburu, eginkizun, osaera eta dinamikak aztertuko dira.

LEHEN XEDAPEN GEHIGARRIA

Araudi honen guztizko edo zatikako aldaketa eta bere indargabetzea Udalbatzaren esku dago, eta Oroimen Historikoaren Kontseiluari aurretik kontsultatua.

Araudi honen interpretazio eta aplikazioek sor ditzaketen zalantzak Lehendakariak argituko ditu Batzorde Iraunkorraren iritzia entzun ondoren, indarrean dagoen araudiaren barnean betiere.

BIGARREN XEDAPEN GEHIGARRIA

Oroimen Historikoaren Kontseilua araudi honen testu osoa Gipuzkoako ALDIZKARI OFIZIALEAN argitaratu eta hiru hilabeteen epearen barne eratu da.

AZKEN XEDAPENA

Araudi hau indarrean sartuko da Gipuzkoako ALDIZKARI OFIZIALEAN osorik argitaratu eta 15 egunetara.